

1. ინფორმაცია პრეტენდენტის პერსონალის შესახებ - დანართი №3-ის შესაბამისად.

- 1.1. პრეტენდენტის პერსონალის შესახებ ინფორმაციის მოთხოვნის მიზანია იმის შეფასება და განსაზღვრა, ჰყავს თუ არა პრეტენდენტს სათანადო კვალიფიკაციისა და გამოცდილების მქონე პერსონალი, რაც აუცილებელია ამ სატენდერო დოკუმენტაციით განსაზღვრული მომსახურების სრულყოფილად და ხარისხიანად განხორციელებისათვის.
- 1.2. **გამოცდილების მოთხოვნები პერსონალის მიმართ:**
 - მომსახურების გაწევაში ჩართულ პერსონალს უნდა ჰქონდეს შესაბამისი კვალიფიკაცია და გამოცდილება. პერსონალის მინიმალური სახეობა და გამოცდილება მოცემულია ქვემოთ, ცხრილში;
- 1.3. **სპეციალური მოთხოვნები ეკიპაჟების მიმართ:**

ეკიპაჟების თითოეულ წევრს უნდა ჰქონდეს:

 - მოქმედი პილოტის მოწმობა (მოთხოვნა ვრცელდება მხოლოდ ხომალდის მეთაურზე და მეორე მფრინავზე);
 - მოქმედი სამედიცინო მოწმობა;
 - მოქმედი დაზღვევის სერტიფიკატი;
 - ინგლისური ენის არანაკლებ მე-4 დონე;
 - დაშვება როგორც ვიზუალურ, ისე ინსტრუმენტულ ფრენაზე.
- 1.4. ტენდერში პრეტენდენტმა უნდა წარმოადგინოს ინფორმაცია:
 - პერსონალის - მფრინავების, ინჟინერ-ტექნიკოს(ებ)ის კვალიფიკაციისა და გამოცდილების შესახებ;
 - ეკიპაჟების მიმართ წაყენებული სპეციალური მოთხოვნების (იხ. 1.3. პუნქტი) დაკმაყოფილების შესახებ.
- 1.5. **დასადასტურებელი დოკუმენტები:**
 - პერსონალის კვალიფიკაციის დასადასტურებლად პრეტენდენტმა უნდა წარმოადგინოს პერსონალის დიპლომების, სერტიფიკატების და მისთ. ასლები;
 - პერსონალის როგორც ზოგადი, ისე სპეციალური გამოცდილების დასადასტურებლად წარმოდგენილი უნდა იყოს, სულ მცირე, თითოეული მათგანის რეზიუმე - ე.წ. CV, სადაც სრულყოფილად იქნება მოცემული ინფორმაცია პერსონალის გამოცდილების შინაარსზე;
 - დოკუმენტები წარმოდგენილი უნდა იყოს პერსონალის თითოეულ წარმომადგენელზე;
 - ეკიპაჟების მიმართ წაყენებული სპეციალური მოთხოვნების კუთხით, წარმოდგენილი (სისტემაში ატვირთული) შეიძლება იქნას შესაბამისი დოკუმენტების ფოტოასლები;
 - ტენდერში გამარჯვების შემთხვევაში, ხელშეკრულების გაფორმებამდე წარმოდგენილი უნდა იქნას დოკუმენტების დედნები ანდა სანოტარო წესით დამოწმებული ასლები.

შენიშვნა 1: ზემოთ მითითებულ დოკუმენტებთან ერთად, შესაძლებელია, ასეთის არსებობის შემთხვევაში, წარმოდგენილი იქნას ასევე შრომითი კონტრაქტებისა თუ დანიშვნის ბრძანებების ასლები, ე.წ. შრომის წიგნაკის ასლი, ცნობები ყოფილი სამუშაო ადგილებიდან, წერილობითი დასტური ყოფილი დამსაქმებლისგან, პიროვნების მიერ შესრულებული სამუშაოს მიღება-ჩაბარების დოკუმენტების ასლები თუ სხვა დოკუმენტები, რომლებიც ადასტურებს და ავსებს CV-ში მოცემულ ინფორმაციას და ქმნის ერთიან სურათს პიროვნების სამუშაო გამოცდილების შესახებ.

შენიშვნა 2: შემსყიდველი უფლებამოსილია, შეამოწმოს წარმოდგენილი დოკუმენტები და ინფორმაცია, მათ შორის, ინფორმაციისათვის მიმართოს პრეტენდენტის იმ პერსონალს, რომელთა შესახებაც უთითებს პრეტენდენტი თავის სატენდერო წინადადებაში და მათგან მიღებული ინფორმაცია გაითვალისწინოს გადაწყვეტილების მიღებისას.

- 1.6. ამ ტენდერისათვის საჭირო პერსონალის მინიმალური აუცილებელი სახეობა, რაოდენობა და გამოცდილება (შესაძლებელია, რომ პრეტენდენტმა დანართის შევსებისას მიუთითოს სხვა პერსონალიც):

N	პერსონალი	შესაბამისი საქმიანობის გამოცდილება:
1	მფრინავი - ხომალდის მეთაური	არანაკლებ 1000 საათი ნაფრენი ხომალდის მეთაურის რანგში, მათ შორის არანაკლებ 500 საათი ნაფრენი შესაბამისი (ან მსგავსი) ტიპის ხომალდზე, რომლის მეთაურიც იქნება ამ ტენდერის კონტრაქტის ფარგლებში
2	მეორე მფრინავი	არანაკლებ 500 საათი ნაფრენი მეორე პილოტის რანგში, მათ შორის არანაკლებ 200 საათი ნაფრენი შესაბამისი (ან მსგავსი) ტიპის ხომალდზე, რომლის მეორე პილოტიც იქნება ამ ტენდერის კონტრაქტის ფარგლებში
3	ინჟინერ-ტექნიკოსი	არანაკლებ 3 წელი

შენიშვნა 1: ზემოთ ჩამოთვლილი პერსონალის სახეობა არ არის მოცემული იმ კუთხით, რომ თითქოს დასაშვებია პრეტენდენტს არ ჰყავდეს სხვა სახის სპეციალისტი, რომელიც ცხრილში არაა მითითებული.

პრეტენდენტს უნდა ჰყავდეს იმ რაოდენობის სპეციალისტი თუ დამხმარე პერსონალი, რამდენიც ესაჭიროება მომსახურების შეუფერხებლად, ეფექტურად და სრულყოფილად განხორციელებას.

შენიშვნა 2: პრეტენდენტს შეუძლია არ ჰყავდეს ინჟინერ-ტექნიკური პერსონალი, თუ მას აქვს საჭირო ხომალდის ტექნიკური მომსახურების შესახებ ხელშეკრულება შესაბამის კომპანიასთან. ასეთ შემთხვევაში, ეს კომპანია და მისი სპეციალისტები უნდა იყვნენ სათანადოდ სერტიფიცირებული.

შენიშვნა 3: პრეტენდენტს შეუძლია არ ჰყავდეს საკუთარი მფრინავები, თუ მას აქვს საჭირო ხომალდის სარგებლობის შესახებ ისეთი ხელშეკრულება, რომელიც ითვალისწინებს ეკიპაჟსაც. ასეთ შემთხვევაში, ზემოთ მოთხოვნილი შესაბამისი ინფორმაცია წარმოდგენილი უნდა იქნას ამ ეკიპაჟის შესახებ.

ინფორმაცია პრეტენდენტის პერსონალის კვალიფიკაციის და გამოცდილების შესახებ

პრეტენდენტის დასახელება:

N	მომსახურების ფარგლებში დაკავებული პოზიცია / ფუნქცია	სახელი და გვარი	პირადი ნომერი	საერთო პროფესიული გამოცდილება (წელი)	გამოცდილების დასახელება და მოკლე აღწერილობა
1					
2					
3					
..					

პრეტენდენტის ხელმძღვანელი:

თანამდებობა

სახელი, გვარი

ხელმოწერა